

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Promptvarii exequialis pars ...

Continens centurias II. dispositionum, quibus themata funebria sive
scripturae dicta varia ...

Bidembach, Felix

Francofurti, 1625

Thema XLIV.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

rumpitur. Quia viuificabitur & resurget *ἀφθαρτος*, 1. Cor. 15. Nec quicquam nocere poterit hæc *φθορά*, quam hic cogimur experiri. Sic enim peccatum vna corrumpi necesse est, &c.

FINIS.

THEMA XLIV.

Rom. 8. v. 14.

Quicumque spiritu Dei ducuntur, hi sunt filii Dei. Non enim accepistis spiritum seruitutis iterum ad timorem, sed accepistis spiritum adoptionis, per quem clamamus Abba pater. Idem spiritus testatur vna cum spiritu nostro, quod simus filii Dei. Quod si filii igitur & heredes. Heredes quidem Dei, cohæredes autem Christi. Si quidem cum illo patimur, vt vna cum illo glorificemur.

DISPOSITIO.

Non est inter omnes qui orare possunt, qui non velint audire, & haberi filius Dei. Omnes volunt orare: *Pater noster*. Atqui certissimum est, plurimos seipos decipere? Iudæis enim Christus negat patrem esse Deū. Ex patre Diabolo estis, Joh. 8. v. 44. Et metus est ne de multis aliis idem fuerit dicturus. Hoc sciens Paulus egregie hoc loco monet, ne quis seipsum decipiat, ne erret

Primo enim Romanos docet, quinam sunt filii Dei, vt ex contratio pateat, qui non sint.

Deinde maxima filiorum Dei priuilegia recenset.

I. Pars.

Verba Pauli ita se habent: Quicumque spiritu Dei aguntur, hi sunt filii Dei. Vbi notandum, duos esse, qui à nobis exigant debitum, alter est caro, alter spiritus, cui autem ex his

deobus o
pitiui?
scum Paulu
natur a sp
intrus, non
nos illos m
At mortu
Eterna mor
naat.

Sed quid f
est: tam po
opera carnis
man. 6. r. 1.
reficiat suar
prent. Gal
Vrs. Insi
modi instali
leon mort
tras sancti
enim is ad
finit peccar
non habet
stem, qui
sua opera c
iposest, &
Dei. Probet
in gratia Dei

Notandum
tem adulteri
hædum, &
tam simili l
cipiant, vs
finit, ita D
egregios Spi
ritum non e
tali adhae

his duobus obtemperandum censet Paulus? carni ne an spiritui? Equidem caro etiam non videretur negligenda. Verum Paulus suadet hic filijs Dei, vt regi & duci se patiantur à spiritu, non à carne, vt pote qui debiores sunt spiritus, non carnis, cui si volunt præstare obsequium, mors illos manet.

At moriuntur etiam qui Spiritu sancto reguntur? Resp. Æterna morte pereunt Carnales. Nam opera carnis damnant.

Sed quid faciant filij Dei, cum carnem circumferant, nec etiam possint exuere? Respondet Paulus: mortificat opera carnis spiritu, vt viuant. Non regnat peccatum, Roman. 6. v. 11. Domatur caro, 1. Cor. 9. v. 27. crucifigitur ne faciat suam voluntatem. Sicq; semper Spiritui sancto parent, Gal 5. v. 24.

Vsqs. Insignis est hæc nota, & *τεκμήριον* filiorum Dei, quod infallibile est, nimirum, si quis opera carnis perficit, si non mortificauit prauas concupiscentias, certe de Spiritu sancti ductu, & regimine gloriari non potest, ducit enim is ad veritatem, teste ipso Christo, Joh. 16. v. 13, nec sinit peccare ad mortem; Qui autem Spiritum sanctum non habet, is non est Christi, Rom. 8. v. 10. E contrario autem, qui cum Paulo carnem domat, crucifigit, mortificat opera carnis, ille de præsentia Spiritus sancti gloriari potest, & pro certo habere, se esse ex numero filiorum Dei. Probet ergo quiuis seipsum, vt rum in fide sit, vt rum in gratia Dei sit, 2. Cor. 17. v. 5.

Notandum hoc contra Calvinianos, qui dicunt Dauidem adulterio pollutum retinuisse nihilominus Spiritum sanctum, & hanc suam epicuream & pestilentem sententiam simili longe turpissimo declarant: sicut enim ebrius, inquit, vsum quidem rationis, non rationem ipsam amittit; ita Dauidem pollutum adulterio, mortuus quidem egregios Spiritus S non sensisse, ipsum tamen Spiritum S. antequam non excussisse garrunt. Et quid è in hac sententia multi adhuc sunt securi homines, qui sibi ipsi persuadēt,

M m 2

nihil-

nihilominus hominem esse Filium Dei, si maxime scele-
rate interdum agat: At bene notanda est hæc Pauli maxi-
ma, Filii Dei sunt qui aguntur spiritu. Nemo se decipiat.
Non omnis qui dixerit: Domine, Matt. 7. ver. 21. Nonne
filius patrem honorabit; Mal. 1. v. 6. Esa. 1. v. 3. Filios e-
nutriui &c. Sed ô perditam sobolem. Si ergo hætenus re-
rexit caro, resignare debes, imò omnino fugere, & auer-
sari illius ductum.

Si enim maxime iucundius tibi videatur illius regimen
tamen ducit ad mortem: non habet talis partem in regno
Dei, quemadmodum ea de re comminationes & pœnæ
diuine satis assidue contestantur, Rom. 8. v. 13. 1. Cor. 6. v.
9. Gal. 5. v. 22. Eph. 5. v. 5. Col. 3. v. 5.

II. Pars.

Maxima ergo sit cura nobis, ut simus Filii Dei. Tanta e-
nim & talia sunt priuilegia, quæ vix assequi possumus.

1. Filii Dei non debent Deum timere tanquam vltorẽ,
inimicum, sed possunt illum compellere patrẽ. *Abba pater*
Rom. 8. v. 15. cum e contra ii, qui à carne ducuntur, tan-
quam carnificem Deum refugere cogantur.

2. In tentationibus solatium habent. Nam spiritus in-
trinsecus testificatur de nostra adoptione.

3. Et certam habent hæreditatem vitæ æternæ propter
Christum: nec tantum hæreditatem paratam habent, sed
gloriam magnam: hæc vna conditione obseruata: si com-
patiantur hic breui tempore.

Vsvs. Videbimus quanta sit filiorum Dei prærogatiua
qua tota impiorum cohors Diaboli proles carere & desti-
tuti cogitur.

1. Impii non audent orare: Abba pater, sed Deum sem-
per timeant vt tyrannum, fugiunt à facie illius, vt Adam ter-
rentur semper: sciunt ipsi dictum: *Non audiam vos.* At-
tollitis manus crucientas, Esa. 1. v. 15. videbo in interitu,
Prou. 1. v. 26, absumentur à terrore, Psal. 73. v. 19.

2. Quia in morte non habent consolationem: Spiri-
tus

tus sanctus non testificatur de ipsorum adoptione, sed Diabolus terret eos, sciunt se iam esse damnatos; Ideo desperant, quemadmodum Cain, Saul, Judas, Spiera.

1. Nec habent spem vllam post mortem. Quia abite dicetur. Regnum cum Diabolo hæreditabunt, Matth. 25. v. 4. perpetua infamia, Esa. 66. v. ult.

At filij Dei consolationem summam habent. 1. In omni vita sunt intrepidi: quia sciunt nihil damnationis esse his, Rom. 8. v. 1. Spe iam salui facti sumus, Rom. 8. v. 24.

Si mala accidunt orare audeat ad Deum, sciunt enim se audiri, Esa. 65. v. 1. quia voluntatem timentium se facit, Psal. 145. v. 19. sciunt omnia in bonum, Rom. 8. v. 28.

2. In morte sunt bono animo. Spiritus S. intrinsecus eos solatur. Quis enim accusabit? Rom. 8. v. 33 nemo rapier. Joh. 10. v. 28. Hinc tam intrepidi sunt, non timebo mala, Psal. 23. v. 4. Cupio dissolui, Philip. 1. v. 23. Scio quod redemptor, Job. 19. v. 25. Nunc dimittis, Luc. 2. v. 29. Vnde Stephanus: Video cælum apertum, Act. 7. v. 36.

3. Post hanc vitam amplissimam habent paratam ab initio hæreditatem, Matth. 25. v. 34. cum Christo erunt hæredes. Imo magna gloria ornabuntur, quoniam corpora glorificabuntur, Deo similes erunt, Philip. 3. v. 21. Summa oculus non vidit, Esa. 64. v. 4. 1. Cor. 2. v. 9. delectationes in dextra tua vsq; ad finem, Psal. 16. v. 11. &c.

Agite ergo charissimi demus operam, vt filij Dei repერიamur Magnum est esse filium Regis, Principis: at id non durat vltra 70. annos, & semper habet etiam sua onera. Nihil enim ex omni parte beatum: Sed Filius Dei maiorem habet gloriam, caniq; æternam. Incomparabile ergo maius beneficium, quam id terrenum. Rogemus itaque ex Psal. 51. v. 13. Spiritus sanctus tuus, &c. & si vult regere, ipsi parendum ne contristerur. Pati etiam aliquid nobis non sit graue: sine hac enim conditione Deo non visam est nos coronare. Vide Jac. 1. 12. 2. Tim. 2. v. 5.

F I N I S.

Mm 3

THE